

卷之十

卷之十

卷之十

第三十

第三十

第三十

第三十

第三十

第三十

第三十

第三十

第三十

第三十

第三十

第三十

第三十

第三十

第三十

第三十

第三十

第三十

第三十

第三十

後漢書卷四十

梁 刻

令劉 昭補并注

輿服志第三十

輿服下

冕冠 爵弁冠 長冠 通天冠 委貌冠 皮弁冠
進賢冠 法冠 巧士冠 武冠 却非冠 建華冠
方山冠 欒 冠 術氏冠 冠 鵠冠 赤綬 幘
樊 冠 佩 刀 印 冠 黃赤綬 赤綬

綠綬 黃綬 紫綬 青紺綸 青綬 后夫人服 黑綬

上古穴居而野處衣毛而冒皮未有制度後世聖人易之以絲麻觀翬翟之文榮華之色乃染帛以效之始作五采成以爲服見鳥獸有冠角顛胡之制遂作冠冕纓

蕤以為首飾凡十二章故易曰庖犧氏之王天下也仰

觀象於天俯觀法於地觀鳥獸之文與地之宜近取諸

身遠取諸物於是始作八卦以通神明之德以類萬物

之情黃帝堯舜垂衣裳而天下治蓋取諸乾以乾以有

文故上衣元下裳黃日月星辰山龍華蟲孔安國注尚書曰華象草

雉也華蟲作績宗彝古文尚書績作會孔安國曰以五采成

藻火粉米孔安國曰藻水草有文者火黼黻絺繡孔安

黼若斧形黻為兩己相背葛之精者曰絺五色備曰以

五采章施于五色作服孔安國曰以五采明施天子備

章鄭元周禮注曰此古天子冕服十二章公自山以下侯伯自華蟲以下

子男自藻火以下卿大夫自粉米以下至周而變之以

三辰爲旂旗王祭上帝則大裘而冕鄭衆曰大裘羔裘服以祀天示質也

公侯卿大夫之服用九章以下鄭元曰華蟲五色之蟲周禮續人職曰鳥獸蛇

雜四時五色之位以章之謂是也王者相變至周而以

日月星辰畫於旌旗所謂三辰旂旗昭其明也而冕服

九章初一日龍次二曰山次三曰華蟲次四曰火次五

曰宗彝皆畫以爲續次六曰藻次七曰粉米次八曰黼

次九曰黻皆絺以爲繡則袞之衣五章裳四章凡九也

鷩畫以雉謂華蟲也其衣三章裳四章凡七也毳畫虎

蛭謂宗彝也其衣三章裳二章凡五也絺刺粉米無畫

也其衣一章裳二章凡三也法言曰聖人文質備也車

服以章之藻色以明之聲音以揚之詩書以光之籩豆

不陳玉帛不分琴瑟不鏗鍾鼓不鏘吾無以見乎聖也

秦以戰國卽天子位滅去禮學郊祀之服皆以昀元漢

承秦故至世祖踐阼都于土中始修三雍正兆七郊顯

宗遂就大業初服旒冕衣裳文章赤舄絢履以祠天地
養三老五更於三雍於始致治平矣天子三公九卿特
進侯侍祠侯祀天地明堂皆冠旒冕衣裳元上纁下東觀
書曰永平二年正月公卿議春南北郊東平王蒼議曰
孔子曰行夏之時乘殷之輅服周之冕爲漢制法高皇
帝始受命創業制長冠以入宗廟光武受命中興建明
堂立辟雍陛下以聖明奉遵以禮服龍袞祭五帝禮缺
樂崩久無祭天地冕服之制按尊事神祇絜齋盛服敬
之至也日月星辰山龍華藻天王袞冕十有二旒以則
天數旂有龍章日月以備其文今祭明堂宗廟圓以法
天方以則地服以華文象其物宜以降神明肅雍備思
博其類也天地之禮冕乘輿備文日月星辰十二章三
冠裳衣宜如明堂之制

公諸侯用山龍九章九卿以下用華蟲七章皆備五采
大佩赤舄絢履以承大祭百官執事者冠長冠皆祗服

五嶽四瀆山川宗廟社稷諸沾秩祠皆祔元長冠五郊

各如方色云百官不執事各服常冠祔元以從

冕冠垂旒前後邃延邃垂也延冕上覆玉藻周禮曰五采繅十

十有二玉笄朱紘鄭元注曰繅雜文之名也合五采絲

為之繩垂於延之前後各十二所謂邃延也就成也繩

之每一一而貫五采玉十有二旒則十二玉也每就間

蓋一寸朱紘以朱組為紘也紘一條屬兩端於武此為

衮衣之冕十二旒則用玉二冕七旒用玉百六十八紘

旒用玉二百一十六毳衣之冕七旒用玉百六十八紘

衣之冕五旒用玉百二十元孝明皇帝永平二年初詔

衣之冕三旒用玉七十二

有司采周官禮記尚書臯陶篇乘輿服從歐陽氏說公

卿以下從大小夏侯氏說冕皆廣七寸長尺二寸前圓

後方朱綠裏元上前垂四寸後垂三寸係白玉珠為十

二旒以其綬采色為組纓

說文曰組綬屬也小者以為冕纓焉禮記曰元冠朱組綬

天子之服是也三公諸侯七旒青玉為珠卿大夫五旒黑玉為

珠獨斷曰三公諸侯九旒與此不同皆有前無後各以其綬采色為

組纓旁垂黹纁呂忱曰黹黃色也黃綿為之禮緯曰旒垂曰纁塞耳王者示不聽讒不視非也

薛綜曰以珩玉為充耳也詩云充耳璫瑩美石也諸侯以石郊天

地宗祀明堂則冠之蔡邕曰鄙人不識謂之平天冠衣裳玉佩備章采

乘輿刺史公侯九卿以下皆織成陳留襄邑獻之云

長冠一曰齋冠高七寸廣三寸促漆纒為之制如板以

竹為裏初高祖微時以竹皮為之謂之劉氏冠楚冠制

也民謂之鵲尾冠非也祀宗廟諸祀則冠之皆服衿元

獨斷曰衿紕繒也吳絳緣領袖為中衣絳綳練示其赤

心奉神也五郊衣幘綳練各如其色此冠高祖所造故以為祭服尊敬之至也

委貌冠皮弁冠同制長七寸高四寸制如覆杯前高廣

後卑銳所謂夏之毋追殷之章甫也委貌以皐緇為之

皮弁以鹿皮為之行大射禮於辟雍公卿諸侯大夫行

禮者冠委貌衣元端素裳鄭衆周禮傳曰衣有襦裳者為端鄭元曰謂之端取其正

也正者士之衣袂皆二尺二寸而屬幅是廣表等也其祛尺二寸大夫以上侈之侈之者蓋半而益一焉半而

益一則其袂三尺執事者冠皮弁衣緇麻衣皐領袖下

素裳所謂皮弁素積者也皮弁質也石渠論元冠朝服戴聖曰元冠委貌也朝服布

上素下緇帛帶素韋鞞白虎通曰三王共皮弁素積素積者積素以爲裳也言要中辟積也

爵弁一名冕廣八寸長尺二寸如爵形前小後大繒其

上似爵頭色有收持筭所謂夏收殷舁者也

獨斷曰殷黑而微白

前大而後小夏純黑亦前小而後大皆以三十六升漆布爲之詩云常服黼舁書曰王與大夫盡弁上古皆以布中古以絲孔子曰祠天地五郊明堂雲翹舞樂人服麻冕禮也今也純儉之禮曰朱干玉鉞鄭元曰朱干赤大盾也鉞斧也冕而舞大夏此之謂也

通天冠高九寸正豎頂少邪却乃直下爲鐵卷梁前有

山展筓爲述乘輿所常服

獨斷曰漢受秦禮無文

服衣深衣制有

袍隨五時色袍者或曰周公抱成王宴居故施袍禮記

孔子衣逢掖之衣縫掖其袖合而縫大之近今袍者今下至賤更小史皆通制袍單衣阜緣領袖中衣爲朝服云

遠遊冠制如通天有展筩橫之於前無山述諸王所服也

獨斷曰禮無文

高山冠一曰側注制如通天不邪却直豎無山述展筩

獨斷曰鐵爲卷梁高九寸漢書音義曰其體側立而曲注中外官謁者僕射所服太

傅胡廣說曰高山冠蓋齊王冠也秦滅齊以其君冠賜

近臣謁者服之

史記酈生初見高祖儒衣而冠側注漢舊儀曰乘輿冠高山冠飛月之纓幘且

赤丹紃裏衣帶七尺斬蛇劍履虎尾絢履案此則亦通于天子

進賢冠古緇布冠也文儒者之服也前高七寸後高三

寸長八寸公侯三梁胡廣曰車駕巡狩幸其國諸侯衣

以就位也今列侯自不奉朝請侍祠祭者不得服此皆

當三梁冠皐單衣其歸國流黃衣皐云晉公卿禮秩曰

太傅司空司徒著進中二千石以下至博士兩梁白博

士以下至小史私學弟子皆一梁宗室劉氏亦兩梁冠

示加服也獨斷曰漢制禮無文荀綽晉百官表注曰建

著兩梁尚書孟希奏太官職在鼎俎不列陞位堪欲令

比大夫兩梁冠不宜許臣伏惟太官令職在典掌王饗

統六清之飲列八珍之饌正百品之羞納四方之貢所

奉尤重用思又勤明詔慎口實之御防有敗之姦增崇

其選侍御史主捕案太醫令奉方藥供養符節令掌幡

信金虎故位從大夫車有韜沂冠育兩梁所以殊親疎

別內外也太官令以供養言之為最親近以職事言之

為最煩多令又高選又執法比太醫令科同服等而冠

二人殊名實不副又博士秩卑以其傳先王之訓故尊而異之令服大夫之冕猶此言之兩梁冠非必列於陞位也建初中太官令兩梁冠春秋之義大於復古如堪言合典可施行克厭帝心即聽用之獻帝起居注曰中平六年令三府長史兩梁冠五時衣袍事位從千石六百石

法冠一曰柱後

獨斷曰柱後惠文

高五寸以纚為展筓

前書注曰纚今

之纚通俗文

鐵柱卷

荀綽晉百官表注曰鐵柱言其屬直不曲撓

執法者服

之侍御史廷尉

正監平也或謂之獬豸冠獬豸神羊能

別曲直楚王嘗獲之故以為冠

異物志曰東北荒中有獸名獬豸一角性忠見

人鬪則觸不直者聞人論則咋不正者楚執法者所服也今冠兩角非豸也臣昭曰或謂獬豸迺非定名在兩角未足斷正安不存胡廣說曰春秋左氏傳有南冠而其豎飾令兩為冠乎

繫者則楚冠也秦滅楚以其君服賜執法近臣御史服

之

武冠

一云古緇布冠之一

一曰武弁大冠諸武官冠之

晉公

卿禮秩曰大司馬將軍尉驃騎車騎衛軍

諸大將軍開府從公者著武冠平上幘

侍中中常侍

加黃金璫附蟬為文貂尾為飾謂之趙惠文冠

又名駿蟬冠

胡廣說曰趙武靈王效胡服以金璫飾首前插貂尾為

貴職秦滅趙以其君冠賜近臣

應劭漢官曰說者以金取堅剛百鍊不耗蟬居

高飲潔口在腋

徐廣曰趙武靈王胡服有此秦即趙而用之說者蟬取其

其清高飲露而不食

貂紫蔚柔潤而毛采不彰灼故於

義亦取胡廣又曰意謂北方寒涼本以貂皮暖額附施

於冠因遂建武時匈奴內屬世祖賜南單于衣服以中

常侍惠文冠中

黃門童子佩刀云

建華冠以鐵爲柱卷貫大銅珠九枚制似纓鹿

獨斷曰其狀若

婦人纓鹿薛綜曰下輪大上輪小

記曰知天者冠述知地者履約春秋

左傳曰鄭子臧好鷩冠前圓以爲此則是也

說文曰鷩知天將雨

也鳥天地五郊明堂育命舞樂人服之

方山冠似進賢以五采縠爲之祠宗廟大予八佾四時

五行樂人服之冠衣各如其行方之色而舞焉

巧士冠高七寸要後相通直豎不常服唯郊天黃門從

官四人冠之在鹵簿中次乘輿車前以備宦者四星云

獨斷曰禮無文

却非冠制似長冠下促宮殿門吏僕射冠之負赤幡青

翅燕尾諸僕射幡皆如之

獨斷曰禮無文

却敵冠前高四寸通長四寸後高三寸制似進賢衛士

服之

獨斷曰禮無文

樊噲冠漢將樊噲造次所冠以入項羽軍廣九寸高七寸前後出各四寸制似冕司馬殿門大難衛士服之或曰樊噲常持鐵楯聞項羽有意殺漢王噲裂裳以裹楯冠之入軍門立漢王旁視項羽

術氏冠前圓吳制差池邈邈四重趙武靈王好服之今

不施用官有其圖

注

淮南子曰楚莊王所服雖冠者是蔡邕曰其說未聞

諸冠皆有纓韡執事及武吏皆縮纓垂五寸

武冠俗謂之大冠環纓無蕤以青系爲緄加雙鵠尾豎

左右爲鵠冠云

莊子曰縵胡之纓武士之服是也

五官左右虎賁羽林

五中郎將羽林左右監皆冠鵠冠紗縠單衣虎賁將虎

文綉白虎文劔佩刀虎賁武騎皆鵠冠虎文單衣襄邑

歲獻織成虎文云鵠者勇雉也其鬪對一死乃止故趙

武靈王以表武士秦施安焉

徐廣曰鵠似黑雉出於上黨荀綽晉百官表注曰冠

插兩鵠驚鳥之暴疏者也每所攫撮應爪摧衄天子武騎故以冠焉傳元賦注曰羽騎騎者戴鵠

安帝立皇太子太子謁高祖廟世祖廟門大夫從冠兩

梁進賢洗馬冠高山罷廟侍御史任方奏請非乘從時

皆冠一梁不宜以爲常服事下有司尚書陳忠奏門大

夫職如諫大夫洗馬職如謁者故忠皆服其服先帝之

舊也方言可寢奏可謁者古者一名洗馬

古今注曰建武十三年初

令令長皆小冠獨斷曰公卿侍中尚書衣皂而入朝者曰朝臣諸營校尉將大夫以下不爲朝臣

古者有冠無幘其戴也加首有頰所以安物故詩曰有

頰者弁此之謂也三代之世法制滋彰下至戰國文武

竝用秦雄諸侯乃加其武將首飾爲絳帟以表貴賤其

後稍稍作顏題漢興續其顏却搢之施巾連題却覆之

今喪幘是其制也名之曰幘幘者蹟也頭首嚴蹟也至

孝文乃高顏題續之爲耳崇其巾爲屋合後施收上下

羣臣貴賤皆服之文者長耳武者短耳稱其冠也尚書